

СОВХОЗИН МАЛЧНИРИН ҮЗМДЖТӘ КӨДЛМШӘС

Шидр Элст балгъсна «Буратинский» совхозд, малчнрин хург болв. Тер хургтан үкрчнр, хөөчнр болн саальчнр долан джилин зуран түрүн джилд кедж кўцәдж йовх көдлмшиннь ашмудан хәләдж шалгъцхав.

1959 джилин даалгъвран совхозин малчнр, давсн 1958 джилинәр болхла, зөвәр сәәнәр кўцәв. Государствд ноос орулдж өгх джилә даалгъвр 101 процент, мах өглгънә даалгъвр — 107 процент, үс орулдж өглгънә даалгъвр 156 процент кўцәгдсн бәәнә. Ноос гаргългън, нидн джилд гаргъснас зөвәр ик болв, совхоз хөн болгъас зурагъар 4,5 килограмм ноос киргъхин ормд 5,1 килограмм ноос киргъв, үснә зурагъан хойр холван икәр кўцәв.

Ах хөөчнр Дорджиев, Очиров, Лариев, Одиков болн нань чигн хөөчнр ноос киргългънә зурагъан давулдж кўцәцхәв. Ах хөөч Одиков зусг хөөдин 100 хөн болгънас 99 хургъ авад, әкәснъ салгътлнъ асрв, 5,5 килограмм ноос хөн болгънас киргъдж авб. Саальчнр Очирова, Манджиева, Елыкина, Корнусова болн

кесг оln саальчнр үкр болгънас 2.300—2.500 литр үс саадж авад, джилә даалгъвран давулдж кўцәцхәв.

Өдгә цагт совхозин хөөнә болн саалин үкрмүдин бригадсар бәәсн өвсн цугтан тоод авгдад, малчнрин гарт өггдв. Малин хаша-хаацс, малчнр бәәх гермүд ясгдад төгсгдв. Совхозин цуг фермсәр хөөнд искусственин көгтәвлгън бас төгсгдв. Совхозин малчнр КПСС-н ЦК-н декабрьт болх Пленумиг уктдж, социалистическ дөрлдә делгрүлдж, ирх джилә өөдән даалгъвр авцхав.

Ах хөөч Лариева Ногъан 100 хөөнәс 120 хургъ, хөн болгънас 5 килограмм ноос, Одиков-хөн болгънас 6 килограмм ноос, 100 хөн болгънас 120 хургъ авх даалгъвр авцхав. Саальчнр Очирова, Елыкина үкр болгънас 2.500 литр үс саадж, 100 үкрас 102 тугъл авх даалгъвр авцхав.

Совхозин үкрчнр, саальчнр, хөөчнр 1959 джилд бәрсн диилврмүдән цааранднъ улм делгрүлжд, 1960 джилә даалгъврмудан улм үзмджтә сәәнәр кўцәхднъ магъд уга.

МУЛАН Бамб.